


Sanctissimi D. N. D.

BENEDICTI

DIVINA PROVIDENTIA

PAPÆ XIII.

*Confirmatio, & innovatio literarum
à san. mem. Innocentio Papa XIII.
editarum super Ecclesiastica Di-
sciplina in Regnis Hispania-
rum cum aliis Ordina-
tionibus*



ROMÆ, MDCCXXIV.

Typis Reverendæ Cameræ Apostolicæ,

W. J. B. & Co. N. Y.

RENEE DICTY

OF THE

P A R T XII

Containing the names of the
Persons who have been
admitted to the
Degree of Doctor of
Medicine in the
University of
Paris, &c.

1812



ROMÉ, MDCCLXII.

The Regents of the University.

BENEDICTUS

P A P A XIII.

Ad perpetuam rei memoriam.



IN Supremo Militantis Ecclesiæ Solio per ineffabilem Divinæ Sapientiæ, atque bonitatis abundantiam, nullo licet meritorum nostrorum suffragio constituti, ea, quæ à Romanis Pontificibus Prædecessoribus Nostri ad Ecclesiasticam disciplinam sartam, testamque tuendam, & ubi collapsa est instaurandam providè disposita esse noscuntur, Apostolici muniminis nostri patrocínio libenter constabili-

mus, novisque præfidiis, ut exactius serventur, corroboramus, sicut ad omnipotentis Dei gloriam, Ecclesiæ decus, specialemque Christifidelium ædificationem expedire in Domino arbitramur.

Aliàs siquidem emanarunt à fel. rec. PP. Innocentio XIII. Prædecessore Nostro literæ tenoris, qui sequitur, videlicet

INNOCENTIUS PP. XIII. = Ad perpetuam rei memoriam = Apostolici Ministerii, quod Nobis, licet immerentibus, imposuit Superni dispositio Consilii, ratiq; præcipuè exigit, ut Ecclesiasticæ Disciplinæ in iis, qui in sortem Domini vocati sunt, aut servandæ, aut ubi opus fuerit, restaurandæ, juxta sacrorum Canonum instituta, & Sanctissimas Ecclesiæ leges, & ordinationes omni studio advigilemus; post enim primi Parentis lapsum semper ad inferiora nos deprimit humanæ mortalitatis infirmitas, & carnis fragilitate observantiæ vigor paulatim relaxatur; unde & de munda no pulvere religiosa etiam corda fordescere, & in ipso Agro Domini spinas, ac tribulos identidem germinare quotidiana experientia edocemur: quod si noxia inde evellantur, & utilia plantentur, dubitandum non est, quin uberior, benedicente Domino, electi sanctorum operum frumenti messis exurgat, omnisque Populus in via Domini, prælucente Clero, feliciter progrediatur. Cum itaque Dilectus Filius Noster Ludovicus S. R. E. Cardinalis Belluga, & Moncada nuncupatus, Ecclesiæ Carthaginen. ex concessione, & dispensatione Apostolica Præsul, in ipsis Pontificatus Nostri primordiis, Nobis exposuisset nonnulla Ecclesiasticæ disciplinæ rationibus, ac saluberrimis Sacri Œcumenici Concilii Tridentini Decretis haudquaquam consentanea sensim in diversis Inclytæ Nationis Hispanicæ locis obrepisse, iisque ut opportunum remedium adhiberetur

retur a Nobis, quibus est commissa plenitudo sollicitudinis, ne dum ipse Ludovicus Cardinalis, & Præsul, sed & alii Ven. Fratres Archiepiscopi, & Episcopi Regnorum Hispaniarum humiliter postulassent; eorumque enixis precibus sua etiam studia, ac vota charissimum in Christo Filius Noster Philippus Hispaniarum Rex Catholicus pro ejus singulari pietate, & eximio Christianæ Religionis zelo, datis hac de re ad Nos pluribus literis, conjunxisset: Nos Congregationi particulari nonnullorum ex Venerabilibus Fratribus Nostriſ eiusdem S. R. E. Cardinalibus Concilii Tridentini Interpretibus a Nobis deputatorum rem omnem sedulo examinandam demandavimus. Id autem cum ab ipsâ Congregatione Cardinalium ea, qua par erat, maturitate præstitum, illiusque sententiâ ad Nos per ejusdem Congregationis Secretarium relata fuerit; de memoratorum Cardinalium consilio, congruum, & opportunum duximus ea, quæ infra sequuntur, ad Omnipotentis Dei gloriam, Ecclesiæ utilitatem, veteris disciplinæ instaurationem, & spiritualem Regnorum Hispaniarum ædificationem, hac nostra perpetuò valitura Constitutione statuere, decernere, & declarare.

- 1 Primùm igitur, cum a Patribus memorati Concilii Tridentini, Divino afflante spiritu, sapientissimè animadversum fuerit, quantum Christianæ Republicæ intersit accuratum haberi delectum circa eos, quibus Sacra Ministeria committenda sunt, & in quorum vitam cæteri Fideles jugiter oculos conicietes sumpturi inde sunt exemplum, quod imitentur; proptereaque providè ab iisdem Patribus cautum fuerit Ecclesiasticæ Militiæ per primam Tonsuram adscribendos nonnisi illos esse, qui probabilem præbeant conjecturam, se non sæcularis judicii declinandi consilio, sed sincero animo præstandi fidelem cultum, ac servitium Deo, hoc vitæ genus elegisse: volumus, ut pro tutiori ipsius Conciliaris sanctionis executione, ab omnibus Regnorum Hispaniarum hujusmodi Archiepiscopis, & Episcopis, non alii ad primam Tonsuram in posterum admittantur, quàm quibus Ecclesiasticum aliquod Beneficium statim conferendum sit; aut quos constiterit litterarum studio operam sic dare, ut quasi in via ad Ordines, tum Minores, tum etiam deinde Majores suscipiendos versari videantur; vel demum quos viderint expedire alicujus Ecclesiæ servitio, vel ministerio deputari.
- 2 Et tanquam in his, qui ad primam Tonsuram, quàm in aliis, qui promòverit ad Ordines etiam minores optaverint, omnino servetur præriter regula ab eodem Concilio Tridentino tradita; nimirum, ut nullus ordinetur, qui judicio sui Episcopi non sit utilis, aut necessarius suis Ecclesiis, quique illi Ecclesiæ, aut pio loco, pro cujus utilitate, aut necessitate assumitur, non adscribatur, ubi ipsa functiones muneri suo consentaneas exercent. Quod si

qui modò reperiantur, vel Clericali Tonsura jam initiati, vel ad Ordines sive minores, sive majores jam promoti, qui nulli certè Ecclesiæ, vel loco pio adscripti fuerint: Episcopi adscriptionem hujusmodi, vel a seipsis, vel a Prædecessoribus suis omissam, statim suppleant, non minùs quoad omnes in majoribus Ordinibus, etiam Presbyteratus, constitutos, quàm quoad eos, qui vel sola prima Tonsura, vel minoribus Ordinibus initiati, Beneficium tamen Ecclesiasticum possident. Ex reliquis autem, ut præfertur, vel sola prima Tonsura insignitis, vel in minoribus Ordinibus constitutis, sed Beneficio carentibus, nonnisi eos adscribant, quos Ecclesiis suis utiles, vel necessarios esse judicaverint. Cæterum antedictæ adscriptionis executionem differri posse per aliquod temporis spatium, quod ipsis Episcopis conveniens videbitur, permittimus quoad eos, qui à Diœcesi, in qua Tonsuram, vel Ordines susceperunt, causa ediscendi litterarum scientias in aliqua publica Univeritate, vel Gymnasio, sive ex alia rationabili causa à suo Episcopo approbata, vel approbanda; absentes reperiantur.

3 Cum autem Clerici, qui in Episcopalibus Seminariis educantur, ut commodiùs ad litterarum, sacrarumque rerum studium operam conferre, aliisque à Concilio Tridentino præscriptis addiscendis magis assiduè incumbere possint, teneantur juxta ejusdem Concilii Decretum diebus tantùm festis Cathedrali, aliisque loci Ecclesiis inservire: hanc quidem servitii per eos obeundi rationem servari in omnibus Hispaniarum Diœcesibus, necnon ipsos generalibus dumtaxat totius Cleri supplicationibus, sive Processionibus interesse volumus, & mandamus; sublata quacumque majoris servitii consuetudine, etiam immemorabili, pospositaque etiam quacumque Appelatione, aut Inhibitione. Si quod autem Seminarium reperiat, cujus fundatione aliter cautum esset ob adiectam gravioris servitii legem ab illo, qui Seminarium ipsum fundaverit, seu dotaverit, vel ei piam aliquam largitionem contulerit; Episcopi ad Nos, & pro tempore existentem Romanum Pontificem id referant, ut desuper opportunè provideri valeat.

4 Præterea, cum maximè deceat eos, qui propriùs ad Sacratissima My-
steria accessuri sunt, ultra cætera requisita, congruenti etiam pol-
lere scientia, qua præditi viam salutis indicare aliis Christifidelibus possint: Episcopi nonnisi eos ex Clero tam Sæculari, quàm Regulari ad Sacros Ordines admittant, quos ob scientiam, aliasque qualitates eo gradu verè dignos per diligentem inquisitionem compererint; adeo ut satis non sit illos, qui promoveri ad Ordines prædictos optant, linguam latinam intelligere, Cathéchismo instructos esse, atque aptè respondere quæsitis circa Ordinem suscipiendum sibi in examine propfitis. Qui verò ad Præsbyteratum erunt assumendi, idonei priùs per accuratum similiter examen com-

probentur ad ministranda Sacramenta, & ad Populum docendum ea, quæ scire omnibus necessarium est ad salutem: quod quidem ut rectè præstari possit eisdem Episcopus in Domino hortamur, ut quantum fieri potest, eos tantùm ad Sacerdotium assumant, qui saltèm Theologiæ moralis competenter periti sint.

5 Quod si Domicilium in una Diocesi habentes, Beneficium verò in altera, ordinari ad ejusdem Beneficii titulum optaverint ab Episcopo, in cujus Diocesi Beneficium hujusmodi situm est: Episcopus Domicilii debeat eos, si in suam Diocesim reverfuri sunt, super scientia, vel idoneitate examinare ante concessionem Litterarum Testimonialium super eorum natalibus, etate, moribus, & vita juxta Constitutionem fel:rec: Innocentii Papæ XII. Prædecessoris Nostri, quæ incipit *Speculatores* obtinendarum; addito quoque compertæ idoneitatis testimonio in iisdem litteris: heque concedi nullatenus debeat, si antedicto examine tamquam habiles approbati non fuerint, iisque juxta præmissam formam non impetratis, minime possint ab alio Episcopo, cui etiam ratione obtenti Beneficii subiecti sint, ad Ordines promoveri: sique secus fiat, Ordinans quidem a collatione Ordinum per annum, Ordinatus verò a susceptorum Ordinum executione, quamdiù proprio Ordinario videbitur expedire eo ipso suspensus sit, aliisque insuper gravioribus poenis pro modo culpæ, Nostro, & pro tempore existentis Romani Pontificis arbitrio infligendis uterque subiaceat. Cumque etiam juxta memoratam Innocentii Prædecessoris Constitutionem ratione, ac titulo Beneficii in aliena Diocesi obtenti non aliter liceat Ordines ab Episcopo ejusdem Diocesis suscipere, quàm si Beneficium prædictum sit ejus redditus, ut ad congruam vitæ sustentationem, detractis oneribus, per se sufficiat; declaramus, sufficientiam hujusmodi præfiniendam esse, non juxta Taxam Synodalem, sive morem pro promovendis ad Sacros Ordines vigentem in loco prædicti Beneficii (nisi tamen illud continuam, & præcisam residentiam requirat), sed juxta Taxam, vel, ea deficiente, juxta morem in alio loco Domicilii vigentem.

6 Porro ad sartam, rectamque servandam Ecclesiasticam Disciplinam non minus momenti habet, quod Clericali militiæ nomen dare non permittatur iis, qui haud satis idonei sint, quàm quod eidem militiæ jam adscripti laudabilem vivendi rationem sectentur, eamque morum exhibeant innocentiam, quæ Sanctitati suscepti instituti respondet, multoque magis, quod abstineant iis, quæ à Sacris Canonibus jure meritoque vetita sunt, uti prorsus indigna hominibus Tabernaculum Domini inhabitantibus, & venerando Altaris ministerio dedicatis. Statuimus propterea, atque decernimus, quod, si qui sunt Clerici, aut prima Tonsura, aut Ordinibus minoribus initiati, nullumque Ecclesiasticum Beneficium possidentes, qui, neglectis Concilii Tridentini Decretis, habitum Clericalem,

ac Tonsuram non deferant, vel si etiam deferant, non tamen certæ
 Ecclesiæ, aut Loco-Pio, cui ex mandato Episcopi adscripti fue-
 rint, inserviant, sive in Seminario Ecclesiastico, vel in aliqua Scho-
 la, aut Universitate de licentia sui Ordinarii non versentur; Epif-
 copi, nulla etiam præmissa monitione, eos privilegio Fori priva-
 tos declarent, eorumque adscriptionem servitio certæ Ecclesiæ
 antea factam deleri jubeant. Sique ii meliorem vitæ rationem non
 inierint, aut etiam si alii sint, quos ex propria culpa efficiendos
 idoneos promotioni ad Sacros Ordines sperari nequeat; iidem Epif-
 copi, servatâ formâ à Sacris Canonibus traditâ, ad privationem
 aliorum Clericalium Privilegiorum contra ipsos procedant. Ubi
 verò reperiantur Clerici Cappellanus, vel Beneficia, cujuscum-
 que etiam tenuis redditus, obtinentes, quorum improba vita aliis
 offensionem præbens destruat potiùs, quàm ædificet, vel concubi-
 narii, aut fœneratores, vel ebrii, ludisvè alearum dediti, vel
 factores rixarum, vel negotiatores, vel arma gestantes, vel incer-
 tis sedibus vagantes, vel Clericalem habitum, Tonsuramque non
 deferentes, vel Ecclesiastica Immunitate in fraudem tributorum,
 & vectigalium a Laicis non exemptis solvendorum temerè abuten-
 tes, vel qui demum similia, aut majora crimina patrant, nume-
 ro magis, quàm merito ad Ecclesiam pertinere visi fuerint; Episco-
 pi, præmissis tamen necessariis monitionibus, servatisque aliis de
 jure servandis, contra ipsos, ad poenâs a Romanis Pontificibus Pre-
 decessoribus Nostriis, & a Sacris Conciliis impositas, & etiam ad
 privationem Beneficiorum; Cappellanarum, & Ecclesiasticorum
 Officiorum in omnibus illis casibus, in quibus prædicta privatio a
 Sacris Canonibus imposita est, humanis quibuscumque rationibus
 posthabitis, procedant, memores se ipsos neglectæ subditorum
 emendationis condignas, Deo vindice, poenâs persoluturos.

Sed & cum Personæ Ecclesiasticæ nunquam satis in obsequiis supre-
 mo Numini exhibendis, iisque præstandis, quæ eorum statui consen-
 tanea sunt, exerceri valeant; plurimum in Domino commendamus
 piûm morem in plerisque Hispaniarum Diocesisibus vigentem, ut
 Clerici tam in minoribus, quàm in majoribus Ordinibus constituti,
 atque etiam Presbyteri; tametsi Beneficia, vel Officia Ecclesiastica
 non habentes, superpelliceo induti in Ecclesiis, quibus adscripti
 fuerint, Missæ Convèntuali cum Cantu celebratæ, necnon primis,
 & secundis Vesperis Officii diebus Dominicis, aliisque Festis assi-
 stant. Quin imò enixè hortamur, ut Episcopi aliarum Diocesium,
 in quibus mos ille institutus hætenus non fuerit, id in posterum
 servari curent in omnibus, ac insuper satagant, ut omnes Ecclesia-
 stici prædicti etiam collationibus habendis coram Parochis suis, vel
 aliis ab Episcopo deputatis super casibus conscientie forum con-
 cernentibus, & super ritibus, ac coeremoniis sacris intersint.

Et quoniam in prædictis Hispaniarum Regnis reperiri intelleximus

Beneficia, & Cappellaniâs etiâ de Jurepatronatûs, vel Ecclesiasticorum, vel Laicorum, nullo tamen certo proventu instructas, vel adeo tenui, ut nec ad dimidiâ, nec ad tertiam partem congruâ pro Clericis ad sacros Ordines promovendis necessariâ ascendat; malis hæud quidem levibus indè erumpentibus occurrere cupientes, statuimus, & mandamus, quòd Episcopi ad Beneficiorum, & Cappellaniarum, quæ nullum certum redditum habent, suppressionem statim deveniant. De aliis verò Beneficiis, & Cappellaniis, quarum certus annuus fructus ad memoratam saltem tertiam Congruâ partem non ascendit, decernimus nulli in posterum conferendam esse primam Tonsuram ratione juris assequendi aliquid ex dictis Beneficiis, & Cappellaniis. Utque Patronatum jura, quantum fieri possit, salva remaneant; liceat Patronis tam Ecclesiasticis, quàm Laicis ad dicta Beneficia, & Cappellaniâs nominare, non tamèn veluti ad Beneficia Ecclesiastica requirentia in nominandis primam Tonsuram, sed tanquam ad legatâ pia; & nominati, tametsi primam Tonsuram non habentes, ea retinere possint uti pia legatâ cum onere adimplendi omnia onera à Fundatoribus injuncta.

- 9 Non sine gravi animi nostri dolore etiâ accepimus, quòd, quamquam Tridentina Synodus decreverit omnes, qui Parochiales, vel alias curam Animarum annexam habentes Ecclesias quocumquè modo obtinent, debere diebus saltem Dominicis, & Festis solemnibus plebes sibi commissas pro sua, & earum capacitate pascere salutaribus verbis, docendo ea, quæ Christi fideles ad salutem scire oportet, ac explicando Divinæ legis præcepta, Fideique Dogmata, puerosque ejusdem Fidei rudimentis imbuendo, & brevi, facilique sermone vitia denuntiando, quæ declinare, & virtutes, quas sectari oporteat; nihilominus nonnulli Parochialium Ecclesiarum Rectores, hæc, quæ suarum partium adeò sunt, prætermittunt, culpam hujusmodi à se amoliri nitentes, vel prætextu immemorabilis, sed quidem pravæ consuetudinis, vel quia hæc ab ipsis præstari necesse non videatur, suppetente nimirum copia aliorum habentium Sacras Conciones in aliis Ecclesiis, itemque imbuentium pueros Mysterijs Fidei, vel in scholis, vel in compitis. Ne itaque sub inani istarum, aliarumque similibus excusationum prætextu tanta Christianæ Reipublicæ perniciës fruatur, distinctè præcipimus singulis Hispaniarum Archiepiscopis, & Episcopis, ut omninò efficiant, quòd omnes ii, qui Animarum curam gerunt, munia prædicta per seipso, vel, si legitime impediti fuerint, per alios idoneos diligenter exequantur. Si verò aliqui non satis habiles ad illa obeunda reperiantur; iidem Archiepiscopi, & Episcopi per alios à se deputandos sumptibus Parochorum minus idoneorum opportunè suppleri curent: & in posterum Beneficia, quibus Animarum cura imminet, nonnisi
- verè

verè idoneis ad memorata Officia per se ipsos adimplenda con-
ferantur.

10 Præterea, ne Constitutionis Sancti Pii V. etiam Prædecessoris Nostri,
in qua taxatur congrua fructuum portio Vicariis perpetuis Anima-
rum curam exercentibus assignanda; interpretationem ab eius sen-
tentia alienam fieri contingat, declaramus Constitutionem illam
pertinere dumtaxat ad Vicarios perpetuos illarum Ecclesiarum
Parochialium, quæ aliis Ecclesiis, Monasteriis, Collegiis, Benefi-
ciis, & Locis Piis unitæ sint: nec non portionem annuam fructuum,
quæ ibidem statuitur assignanda ipsis Vicariis in summa non majori,
quàm centum, nec minori, quàm quinquaginta scutorum, intelli-
gere de scutis argenteis juliorum decem monetæ Romanæ pro
quolibet scuto.

11 Quoties itaque in aliis Parochialibus Ecclesiis, quæ, ut præfertur, uni-
tæ non sint, oportuerit ex aliqua justa causa provideri per Coadiu-
tores Parochorum, aut per Vicarios temporarios; curæ erit Epi-
scopis pro data sibi à Tridentina Synodo potestate partem fru-
ctuum prædictis Coadiutoribus, aut Vicariis assignandam determi-
nare in ea quantitate, quæ pro suo prudenti arbitrio, & conscien-
tia conveniens videbitur, ratione videlicet habitâ reddituum, &
emolumentorum Ecclesiæ Parochialis, in qua deputati fuerint, nec
non in spectis conditionibus Loci, numero Animarum, qualitate
laboris, & quantitate impensarum, quas commissi Officii necessitas
postulaverit. Quod si Parochi ab Episcopis moniti, congruo iis-
dem termino præfixo, Coadiutores, sive Vicarios temporarios, quo-
ties opus fuerit, assumere neglexerint, poterunt ipsi Episcopi eos,
quos huic muneri idoneos censuerint, auctoritate propria deputa-
re cum assignatione antedictæ portionis fructuum. Et nihilominus
ubi etiam prædicti Coadiutores, aut Vicarii temporarii à Parochis
nominati, vel assumpti fuerint, de eorum idoneitate Episcopis con-
stare per examen debeat, antequam ad exercitium admittantur;
nec satis sit, quod ad Confessiones audiendas antea fuerint appro-
bati, nisi aliis etiam qualitatibus ad Curam Animarum rectè exer-
cendam opportunis præditi noscantur. Quibus si careant, nec Pa-
rochi deinde intra alium similem terminum ab Episcopis præfigen-
dum alios verè idoneos nominaverint: tunc pariter ad ipsos Epi-
scopos liberè spectet deputatio cum dicta congruæ assignatione;
nec ulla Parochorum contradictio, aut exemptio, aut appellatio;
aut cujuscumque Judicis inhibitio executionem deputationis, & as-
signationis certæ partis fructuum in casibus præmissis suspendere
possit; itemque non obstante qualibet contraria consuetudine, etiam
immemorabili.

12 Verùm quia non satis Animarum curæ, & necessitatibus quandoque
consultum est per hoc, quod ad obeunda Parochialia munia alii
Sacerdotes Parochis adjungantur, sed majora remedia adhiberi

oportet, quoties nempe ob Locorum distantiam, sive itineris difficultatem Parochiani sine magno incommodo pro Sacramentis percipiendis, Divinisque Officiis audiendis accedere ad Ecclesiam Parochialem nequeant; tunc quidem meminerint Episcopi licere sibi pro suo arbitrio, invitis etiam Rectoribus, vel intra easdem Parochias destinare alias Ecclesias, in quibus Sacerdotes Parochorum Coadiutores Sacramenta ministrent, & Divinum Cultum exhibeant, vel novas Parochias, novasque Parochiales Ecclesias à veteribus distinctas constituere, iisque novos Parochos præficere, assignata ex redditibus ad veterem Parochialem Ecclesiam quomodocumque pertinentibus convenienti portione ad victum eorum, qui, vel tamquam Coadiutores in dictis aliis Ecclesiis deputati, vel tamquam distincti, & independentes Parochi curam Animarum exercuerint; nulla ad præmissa impedienda suffragante appellatione, aut inhibitione.

- 13 Cum ad præscriptum quoque Tridentinæ Synodi Episcopis is honor tribuendus sit, qui eorum dignitati convenit, eisque in Choro, & in Capitulo, in Processionibus, & aliis actibus publicis primus locus esse debeat, & præcipua omnium rerum agendarum auctoritas; mandamus id religiosè, ac perpetuò observari in omnibus actibus adeo justæ huiusmodi præminentia, & auctoritati consentaneis, non obstantibus privilegiis etiam ex fundatione competentibus, consuetudinibus etiam immemorabilibus, sententiis, juramentis, & concordiiis, quæ suos tantum obligent Auctores.
- 14 Præterea, ut claustralis quoque disciplina vigor illibatus permaneat, Pontificiæ nostræ sollicitudinis partes etiam duximus interponendas. Cum itaque experientia compertum fuerit quantum detrimenti illi afferatur, ex quo plures ad religiosum habitum admittantur, quam vires reddituum patiantur: moderno, ac pro tempore existenti Nostro, & Apostolicæ Sedis in iisdem Hispaniarum Regnis Nuntio per præsentés committimus, & mandamus, ut curet, & vigilantiam adhibeat, ne contra præscriptum memorati Concilii Tridentini in Monasteria, Conventus, & Domos, tam Virorum, quam Mulierum, siue Bona immobilia possideant, siue non possideant, major numerus recipiatur, quam qui, vel ex proventibus propriis ipsorum Monasteriorum, Conventuum, aut Domorum, vel ex consuetis elemosynis, aliisve quibuscumque obventionibus, in commune tamen conferendis, commodè possit sustentari.
- 15 Quoties verò Regulares ad Ordines erunt promovendi, servetur omninò Decretum Congregationis Cardinalium Concilii Tridentini Interpretum à piæ memoriæ Clemente Papa VIII. Prædecessore etiam nostro confirmatum die 15. Martii 1596., quo sancitur non ad alium, quam ad Episcopum Dioecesanum literas Dimissorias pro eorumdem Ordinum susceptione à suis Superioribus esse dirigendas,

das, præterquam in casu, quo Dioecesanus a Dioecesi abesset, vel ordinationes non esset habiturus; quo etiam casu in litteris Dimissorijs ad alium Episcopum dirigendis expressa fieri debeat mentio, vel de prædicta Episcopi Dioecesani absentia, vel de illa alia causa, videlicet, quod Ordinationes non sit habiturus: exceptis tamen quoad prædicta Regularibus illis, quibus per speciale privilegium a Sede Apostolica post Concilium Tridentinum fuerit concessum, ut a quolibet Catholico Antistite Ordines suscipere possint, super quo Indulto nihil per præsentis innovare intendimus. Noverint autem Episcopi se debere per semetipsos, secluso ægrorationis casu, Ordines conferre, & sacrorum Ordinum collationem, statutis à jure temporibus, ac in Cathedrali Ecclesia, vocatis, & assistantibus Canonice, publicè habendam esse, vel si in alio Dioecesis loco, semper tamen in Ecclesia quantum fieri poterit digniori, & præsentis Clero eiusdem loci. Nè verò incertitudò, an ipsi ordinationes sint habituri, nimis grave afferat incommodum promovendis, varia Dioecesis loca inhabitantibus; per mensem ante singulis vicibus publicò Edicto ab iisdem Episcopis denuntietur, se ordinationes esse habituros, adeo ut quoties denunciatio hujusmodi facta non fuerit, inde satis intelligant Regulares, Episcopum Dioecesanum Ordinationes ea vice minimè esse habiturum, sibi que idcirco licitum futurum Ordines ab alio Episcopo suscipere cum litteris Dimissorijs suorum Superiorum ad eum directis, servata in iis forma superius expressa.

16 Episcopi in omnibus Mulierum Monasteriis sibi subiectis Ordinaria, in alijs verò exemptis auctoritate Sedis Apostolicæ inconcussè observari curent, quæ circa Sanctimonialium clausuram, verumque in dicta Monasteria ingressum, tam in Decretis Tridentinæ Synodi, quam in Constitutione similis memoriæ Gregorii Papæ XIII. etiam Prædecessoris Nostri edita Idibus Januarij anni millesimi quingentesimi septuagesimi quinti providè ordinata sunt.

17 Perpendentes etiam Christianæ Reipublicæ in primis expedire, ut ministerium, ac potestas clavium in remittendis, retinendisque peccatis rectè exerceatur; declaramus Sacerdotes, tam Seculares, quam Regulares, qui ab Episcopis obtinuerint licentiam audiendi Confessiones limitatam, vel quoad locum, vel quoad genus Personarum, vel quoad tempus, non posse poenitentiam Sacramentum administrare extra tempus, vel locum, vel genus Personarum ab ipsis Episcopis præscriptum, quocumque privilegio etiam in vim Bullæ, quæ appellatur Cruciatæ Sanctæ, competente nullatenus suffragaturo. Cumque idem Innocentius Prædecessor per suas die decima nona Aprilis anni millesimi septingentesimi expeditas litteras decreverit Sacerdotibus tam Secularibus, quam Regularibus non licere confessiones eorum, à quibus ex Indulto prædictæ Bullæ Cruciatæ ad id electi fuerint, audire, absque præcedenti approbatione

tionem Ordinarii illius Loci, in quo ipsi Pœnitentes degunt, & Confessores eligunt, etiam ab Ordinariis aliorum Locorum antea approbati fuissent, ac etiam si Pœnitentes Ordinariis illis, qui Confessores Electos approbassent, subditi essent; necnon Confessiones aliter factas, ac respectivè exceptas, nullas fore, irritas, & invalidas, & Confessores ipso jure suspensos esse: Nos eandem Constitutionem approbantes, confirmantes, & innovantes declaramus insuper prædictis Sacerdotibus tam Sæcularibus, quam Regularibus ad Confessiones excipiendas, vel ex vi prædictæ Bullæ Cruciatæ, vel ex quocumque alio Privilegio electis suffragari minimè etiam posse, quòd approbati alias fuerint ab Episcopo illo, qui aliquando fuerit Ordinarius Loci, in quo Confessiones audiendæ sint, sed talis tunc temporis amplius non existat, vel quia ab humanis excesserit, aut Episcopatu renuntiaverit, vel quia ad aliam Ecclesiam auctoritate Apostolica translatus reperitur; sed necessariam omninò esse illius, qui actualitèr, & pro tempore Ordinariam Jurisdictionem in ea Diocesi exerceat, approbationem. Hæc tamen suffragetur etiam tacita, eaque adesse censeatur, quousque præcedens licentia, sive approbatio duret, & revocata ab eo non fuerit; in quo casu nova, & expressa impetranda erit, si illa præcedentèr obtenta, vel per temporis adscripti lapsum expiraverit, vel per posteriorem revocationem sublata fuisset.

- 18 Meminerint quoque Regulares se excipere non posse Confessiones Monialium, tametsi eorum regimini, & gubernio subjæctæ sint, nisi ultra licentiam suorum Prælatorum Regularium præcedat examen coram Episcopo Diocesano faciendum, ejusque specialis quoad Confessiones dictarum Monialium approbatio; remota quacumque contraria consuetudine, etiam immemorabili.
- 19 Cumque ex eodem Concilio Tridentino Confessor extraordinarius bis, aut ter in anno offerri Monialibus debeat, qui omnium Confessiones audiat; si in posteram Superiores Regulares quoad Monasteria ipsis subjæcta toties prædictum extraordinarium Confessorem deputare neglexerint, vel si etiam ex proprio eodem Ordine semper deputaverint, nec saltèm semel in anno ad id munus elegerint Sacerdotem aut Sæcularem, aut Regularem alterius diversi Ordinis Professorem: in his casibus Episcopi pro suo arbitrio, & conscientia deputationem hujusmodi facere possint, nec illa quovis titulo, aut prætextu à Superioribus Regularibus valeat impediri.
- 20 Episcopi insuper abusus omnes, qui in Ecclesiis aut Sæcularibus, aut Regularibus contra præscriptum Cæremonialis Episcoporum, & Ritualis Romani, vel Rubricas Missalis, & Breviarii irrepserint, studeant omninò remove. Et, si adversùs ea, quæ in dicto Cæremoniali statuta sunt, consuetudinem etiam immemorabilem allegari contingat; postquam recognoverint, aut eam non satis probari, aut etiam probatam suffragari; utpotè irrationabilem, de jure

juris non posse executioni eorum, quæ in dicto Cæremoniali constituta sunt diligentèr incumbant; nec ulla suspensiva appellatio admittatur.

21 Sedulo pariter curent iidem Episcopi, ut eliminèntur abusus, si qui forsàn, tam quoad Ecclesiasticos Sæculares, quam quoad Regulares inducti fuerint adversùs Concilii Tridentini Decretum de observandis, & evitandis in celebratione Missarum sess. 22., & contra Regulares, si opus fuerit, procedant ex Apostolica delegatione in hoc decreto ipsis indulta, postposita quacumque appellatione suspensiva, sed solùm reservata in devolutivo super quocumque dubio, quod excitari contingeret, declaratione Congregationis pro tempore existentium S. R. E. Cardinalium memorati Concilii Interpretum.

22 Cumque circa Missarum celebrationem in privatis Oratoriis, necnon circa usum Altaris gestatorii, à recol. memor. Clemente Papa XI. Prædecessore etiam nostro opportunum Decretum promulgatum fuerit die 15. Decembris anni 1703. Episcopi dent operam, ut omnia ibidem Statuta etiam in Regnis Hispaniarum serventur, idemque Decretum in suis respectivè Diocæsisibus, ut faciliùs omnibus innotescat, publicari faciant, addita etiam prohibitione, ne in privatis Regularium Cellis, sive Cubiculis erigatur Altare pro re Sacra ibidem faciènda, & contra quoscumque contravenientes censuris etiam Ecclesiasticis procedant, adhibita quoad Regulares auctoritate Sedis Apostolicæ in memorato Decreto ipsis delegata, remotaque quacumque contraria consuetudine, etiam immemorabili. Declaramus tamen, quod cum in prædicto Decreto statuatur, non licere Episcopis extra Domum propriæ habitationis in Domibus Laicis erigere Altare, ibique Sacrosanctum Missæ sacrificium celebrare, sive celebrari facere; hujusmodi prohibitio intelligenda non sit de Domibus etiam Laicis, in quibus ipsi Episcopi fortè occasione Visitationis, vel itineris hospitio excipiantur, ut nec etiam quando Episcopi in casibus à Jure permissis, vel de speciali Sedis Apostolicæ licentia absentes à Domo propriæ ordinariæ habitationis, moram idcirco faciant in aliena Domo per modum similis habitationis; his enim casibus licita iis erit erectio Altaris ad effectum prædictæ celebrationis, non secus, ac in Domo propriæ ordinariæ habitationis.

23 Præcipimus quoque accuratè attendi, ac adimpleri quæcumque alia præscribuntur in ejusdem Generalis Synodi sess. 25. de Regularibus, & Monialibus. Cumque in cap. 25. amplissimè derogetur omnibus contrariis Privilegiis sub quibuscumque formulis verborum, conceptis, ac Mære magnum appellatis, etiam in fundatione obtentis, necnon Constitutionibus, & Regulis etiam juratis, atque etiam consuetudinibus, vel Præscriptionibus, etiam immemorabilibus; sciant omnes derogationem hujusmodi non ad ea tan-

-tùm referri, quæ in prædicto Capite continentur, sed etiam ad alia, quæ in singulis superioribus Capitibus ejusdem sessionis constituta sunt.

- 24 Ad hæc, ut recta in Judiciis ratio servetur, præcipimus, quod ubi in Causis Criminalibus Ordinarij Locorum in Regnis Hispaniarum processerint ex Officio, hoc est non ad ullius querelam, sive accusationem, si ab eorundem Ordinariorum Sententiis appellatio, vel ad Sedis Apostolicæ Nuntium, vel ad Metropolitanos interposita fuerit; tunc (ne alioquin, si nullus Actoris partes gerat, delinquentes penam suis criminibus debitam effugiant), Procuratores Fiscales Tribunalis Nuntiaturæ Apostolicæ, & respectivè etiam Curie Metropolitanæ, instantias, aliosque actus desuper necessarios peragant, & prosequantur, ut prædictæ Ordinariorum sententiæ justam confirmationem, & executionem obtineant. Quod si dictis Procuratoribus Fiscalibus non citatis, & inauditis, contrarias Sententias in gradu appellationis proferri contigerit; istæ prorsus nullæ sint, ac irritæ cum omnibus actis gestis, nullumque fortiri debeant effectum: quin immo præcedentes Ordinariorum sententiæ executioni mandentur, perindè ac si appellatio ab iis interposita nullatenus fuisset.
- 25 Cæterùm cum generaliter circa appellationes, & inhibitiones satis provisum fuerit per Constitutionem piæ mem. Innocenti Papæ IV. Prædecessoris etiam Nostri in Cap. Romana, ac etiam per Decreta Concilii Tridentini, itemque alia edita die 16. Octobris 1600. a Congregatione Negotiis, & Consultationibus Episcoporum, & Regularium præposita, & a præfato Clemente VIII. Prædecessorè confirmata, ac denique etiam alia promulgata tempore Pontificatus similis mem. Urbani Papæ VIII. Prædecessoris, eidem Nostri, die videlicet 5. Septembris 1626., volumus, & mandamus, quod quidquid in omnibus memoratis Constitutionibus, & Decretis statuitur, diligentissimè per omnes eis comprehensos observetur in Causis ad Curias Ecclesiasticas pertinentibus in Regnis Hispaniarum; quacumque consuetudine etiam immemorabili, vel quovis privilegio, aut stylo concedendi etiam quasdam Inhibitiones nuncupatas temporarias penitus excluso.
- 26 Quo verò ad Judices Conservatores, & modum, ac facultatem procedendi in Causis Civilibus, quæ ad eorum cognitionem pertinere possint, inviolatè custodienda erit norma prescripta in Constitutionibus sel. rec. Innocentii IV., Alexandri IV., Bonifacii VIII., Gregorii XV., aliorumque Romanorum Pontificum Prædecessorum Nostrorum hac de re editis, necnon in Decretis Concilii Tridentini, sub penis ibidem contentis, quas præsentì nostra Constitutione innouamus, & confirmamus; hoc etiam addito, ut iidem Judices Conservatores, & mandatorum suorum Executores exhibere debeant Episcopis, aliisque locorum Ordinarijs litteras suas

deputationis, quarum vigore procedere intendant.

27 Enixe denique, & ex intimo Paterni Cordis Nostri sensu omnes è religiosisissima Hispanica Natione monemus, ut memores sint teneri se exactè, firmiter, & cum effectu observare etiam omnia, & singula in cæteris omnibus ejusdem Tridentini Concilii Decretis sancita. Et ne eorum executio post hæc ullo modo impediatur, aut retardetur; decernimus, ac declaramus nullum pro impedienda, aut suspendenda executione Conciliarium sanctionum ejusmodi, aut Decretorum, quæ ab Ordinariis edita fuerint pro executione pariter eorum, quæ in ipso Concilio statuta sunt, suffragari posse, ac debere contrarium Privilegium, quod ante prædicti Concilii promulgationem a Sede Apostolica obtentum fuerit, nisi etiam post ipsum Concilium fuerit in forma specifica ab eadem Apostolica Sede confirmatum, vel noviter concessum; itemque obstare non posse ullum Statutum, vel Concordiam, quæ a prædicta Apostolica Sede specialiter confirmata non sit, neque quemcumque longævum non usum, aut contrariam consuetudinem, vel præscriptionem etiam centenariam, vel immemorabilem, nisi forsân præfata consuetudinis, aut præscriptionis materia capax sit, & insuper consuetudo, aut præscriptio immemorabilis probata iam sit, & admissa à competenti Judice per tres Sententias conformes, vel per unam, quæ in judicatum transierit, nec demum quamcumq; appellationem, sive inhibitionem etiam temporariam, reservato dumtaxat recurso in devolutivo ad memoratam Congregationem Cardinalium ejusdem Concilii Interpretum; quibus etiam tamquam Exequutoriis præsentium nostrarum litterarum, non solum committimus, & mandamus, ut eas, ipsarumque Decreta, & Ordinationes omnes perpetuò, & inviolabiliter observari faciant cum eadem potestate, quæ iisdem Cardinalibus a Sede Apostolica tributa est pro executione Decretorum memorati Concilii, sed etiam privativè facultatem impertimur, quodcumq; opus fuerit, interpretandi, explicandi, ac declarandi eandem nostram Constitutionem, omnesque, & singulas Ordinationes in ea contentas (exceptis his, quæ ad Cærimoniale Episcoporum, Rituale Romanum, & Rubricas Missalis, & Breviarii pertinent) quatenus illis dubietas aliqua, aut difficultas emerferit; non retardata tamen interim illarum executione, adeo ut ante hujusmodi executionem nec ullus recursus ad eandem Congregationem Cardinalium, nec ulla super quovis Dubio consultatio promoveri possit. Decretis verò, & Declarationibus a prædicta Congregatione faciendis, postquam nostra, aut Romani Pontificis pro tempore existentis approbatio accesserit, statim quemcumque reclamatio, aut consultatio omninò cessare, perpetuumque silentium desuper impositum censi debeat.

Decernentes pariter easdem præsententes Literas semper firmas, validas, & efficaces existere, & fore, suosque plenarios, & integros effectus

fortiri, & obtinere, ac illis, ad quos spectat, & pro tempore quancumque spectabit, in omnibus, & per omnia plenissime suffragari, & ab eis respectivè inviolabiliter, & inconcussè observari debere; sicque, & non aliter per quoscumque Iudices Ordinarios, & Delegatos, etiam Causarum Palatii Apostolici Auditores, ac ejusdem Sanctæ Romanæ Ecclesiæ Cardinales, etiam de Latere Legatos, ac Sedis præfatæ Nuntios, aliosve quoslibet quacumque præminentia, & potestate fungentes, & functuros, sublata eis, & eorum cuilibet quavis aliter judicandi, & interpretandi facultate, & autoritate, ubique judicari, & definiri debere; ac irritum, & inane, si secus super his à quoquam quavis auctoritate scienter, vel ignorantèr contigerit attentari.

Non obstantibus præmissis, ac quatenus opus sit, nostra, & Cancellariæ Apostolicæ regula de jure quæsito non tollendo, aliisque Constitutionibus, & Ordinationibus Apostolicis, necnon quorumcumque Ordinum, Congregationum, Institutorum, & Societatum, etiam Jesu, & quorumvis Monasteriorum, Conventuum, Ecclesiarum, Locorum Piorum, aliisque quibusvis etiam Juramento, confirmatione Apostolica, aut quavis firmitate alia roboratis Statutis, & consuetudinibus; ac præscriptionibus quantumcumque longissimis, & immemorabilibus, Privilegiis quoque, Indultis, & Literis Apostolicis, Ordinibus, Congregationibus, Institutis, & Societatibus, etiam Jesu, ac Monasteriis, Conventibus, Ecclesiis, & Locis Piis prædictis, illorumque respectivè Superioribus, aliisque quibuslibet Personis, etiam specialissima mentione dignis, sub quibuscumque verborum tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, irritantibusque, & aliis Decretis, etiam Motu Proprio, ac ex certa scientia, & de Apostolicæ Potestatis plenitudine in genere, vel in specie, seu aliàs quomodolibet in contrarium præmissorum concessis, confirmatis, & innovatis. Quibus omnibus, & singulis, etiamsi pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda foret, illorum omnium, & singulorum tenores, ac si de verbo ad verbum exprimerentur, & infererentur, nihil penitus omisso, & forma in illis tradita observata, eisdem præsentibus pro expressis, & insertis habentes, illis aliàs in suo robore permanens, ad præmissorum effectum hac vice dumtaxat specialiter, & expressè derogamus, cæterisque contrariis quibuscumque.

Volumus autem, ut earundem præsentium Literarum transumptis, seu exemplis, etiam impressis, manu alicujus Notarij publici subscriptis, & sigillo alicujus Personæ in Dignitate Ecclesiastica consti-

tuta munitis, eadem prorsus fides, tam in Judicio, quam extra illud ubique adhibeatur, quæ ipsi præsentibus adhiberetur, si forent exhibitæ, vel ostensæ. Datum Romæ apud S. Mariam Majorem sub Annulo Piscatoris die xiiij Maij 1723. Pontificatus Nostri Anno Secundo.

Cum autem, sicut accepimus, tametsi præmissa à memorato Innocentio Prædecesore maturo, ac saluberrimo fuerint constituta, & ordinata Consilio, illa nihilominus, nec dum plenariæ executioni, ut par erat, demandata fuerint, neque proinde optatos fructus usque quaque proferre valuerint; Hinc est, quod Nos probè considerantes, nihil magis alios ad veram Pietatem, & Dei Cultum assiduè instruere, & excitare, quàm eorum vitam, & exemplum, qui se Divino Ministerio dedicarunt, facileque fieri posse, ut Populus in via Domini prosperè, & feliciter progrediatur, si Clerus illi præluceat, ac suavem in eo Sanctioris Disciplinæ, bonorumque Operum odorem diffundat, ac propterea eorundem præmissorum ad hunc tam pium, & salutarem finem tendentium subsistentiæ, ac paratæ executioni, sublatis quibusvis impedimentis, quantum cum Domino possumus, Pastoralis nostra cura, & sollicitudine consulere cupientes, præinfertas Innocentii Prædecessoris Literas, & quæcumque in eis constituta, ordinata, sancita, decreta, & declarata, ac aliàs quomodolibet contenta, & expressa, Auctoritate Apostolica, tenore præsentium perpetuò approbamus, & confirmamus, ac quantum tenus opus sit, innovamus, & de novo constituimus, ordinamus, sancimus, decernimus, & declaramus, illisque inviolabilis Apostolicæ firmitatis robor adiicimus; necnon tam Dilecto Filio nostro, & Sedis præfatæ in Regnis Hispaniarum Nuncio nunc, & pro tempore existenti, quod ea, quæ ad ipsum, ejusque Tribunal pertinent, quàm Venerabilibus Fratibus, Archiepiscopis, Episcopis, cæterisque Locorum Ordinariis, & Superioribus, ac etiam Dilectis Filiis utrique Clero Sæculari, & Regulari eorundem Regnorum, districtè, ac sub interminatione Divini Judicii Auctoritate præfata harum Serie præcipimus, & mandamus, ut illa omnia, & singula omni mora, dilatione, & cunctatione sublata, debita Obedientia exequantur, & accuratè, ac exactè servent, faciantque respectivè illa ab iis, ad quos spectat, & quandocumque spectabit in futurum eadem Auctoritate omnimodæ executioni demandari, & inviolabiliter observari. Decernentes pariter, ita in præmissis per quoscumque Judices, Ordinarios, & Delegatos, etiam Causarum Palatii Apostolici Auditores, ac ipsius S. R. E. Cardinales etiam de Latere Legatos, & dictæ Sedis Nuncios, aliosve quoslibet quacumque Præminentia, & Potestate fungentes, & functuros, sublata eis, & eorum cuilibet quavis aliter judicandi, & interpretandi facultate, & Auctoritate, judicari, & definiri debere, ac irritum, & inane, si secus super his à quoquam quavis Auctoritate scienter, vel ignorantèr

tèr contigerit attentari. Non obstan. omnibus, & singulis illis, quæ prædictus Innocentius Prædecessor in Literis suis præinfertis voluit non obfatare, cæterisque contrariis quibuscumque. Ut autem eadem præsentis Literæ ad omnium notitiam facilius deveniant, volumus illas, seu earum Exempla ad valvas Ecclesiæ Lateranen., ac Basilicæ Principis Apostolorum, necnon Cancellariæ Apostolicæ, Curiaque generalis in Monte Citatorio, & in Acie Campi Floræ de Urbe, ut moris est, affigi, & publicari; Sicque publicatas, & affixas omnes, & singulos, quos illæ concernunt, perindè arctari, & afficere, ac si unicuique eorum nominatim, & personalitèr intimatæ fuissent; Urque ipsarum Literarum transumptis, seu Exemplis etiam impressis manu alicujus Notarii publici subscriptis, & Sigillo Personæ in Ecclesiastica Dignitate constitutæ munitis, eadem prorsus fides tam in Judicio, quàm extra illud ubiquè adhibeatur, quæ eisdem præsentibus adhiberetur, si forent exhibitæ, vel ostensæ. Datum Romæ apud Sanctam Mariam Majorem sub Annulo Piscatoris die xxij. Septembris 1724. Pontificatus Nostri Anno Primo.

F. Card. Oliverius.

Anno à Nativitate Domini Nostri Jesu Christi millesimo septingentesimo vigesimo quarto, Indictione secunda, die vero Prima Octobris, Pontificatus SS. D. N. D. BENEDICTI, Divina Providentia Papæ XIII. Anno Primo, supradictæ Literæ Apostolicæ affixæ, & publicatæ fuerunt ad valvas Basilicarum Principis Apostolorum, & S. Joannis in Laterano, & S. Mariæ Majoris, prout similiter ad valvas Cancellariæ Apostolicæ, & Magnæ Curie Innocentianæ, & in Acie Campi Floræ, aliisque locis solitis, & consuetis Urbis, dimissis copiis, ut moris est, per Nos Franciscum Baldum, & Dominicum de Martinis Apostolicos Cursores.

Joannes del Rè Magister Cursorum.

